



Tar éis duit Vacsáin Janssen in aghaidh COVID-19 a fháil

Go raibh maith agat as an vacsaín a fháil le tú féin agus daoine eile a chosaint. Anois go bhfuil an vacsaín faighte agat, iarraidimid ort an doiciméad seo a léamh go cúramach le go mbeidh a fhios agat cén chaoi a mbeidh tú ag aireachtáil as seo go ceann cúpla lá agus cá háit ar féidir leat teacht ar a thuilleadh eolais.

Iarrtar ort an bhileog eolais a thugamar duit maidir leis an vacsaín in aghaidh COVID-19 a léamh freisin.

Ar deireadh, táimid le taifead ar do vacsaíniú inniu a thabhairt duit chomh maith.

Iarrtar ort an cárta taifid vacsaínithe sin a choinneáil in áit shábháilte.

Céard a d'fhéadfadh tarlú as seo go ceann cúpla lá?

Cuid de na daoine a fuair an vacsaín chéanna agus a fuair tú inniu:

- bhí at, baill dhearga agus/nó pian orthu sa ghéag lámhe ar ar tugadh an t-instealladh vacsaíne dóibh
- bhí tuirse orthu
- bhí tinneas cinn orthu
- bhí casacht orthu
- bhí pian sna matáin acu
- bhí pian sna hailt acu
- bhí samhnas orthu
- bhí fiabhras orthu (teocht 38 céim Celsius nó os a chionn).

I gcásanna an-annamh chonacthas téachtáin fola neamhghnácha agus líon íseal pláitíní san fhuil sa chéad chúpla seachtain tar éis an vacsaínithe. Cabhraíonn pláitíní leis an bhfuil téachtadh.

Ba cheart duit cabhair leighis a fháil gan a thuilleadh moille agus a lua leis an ngairmí sláinte go bhfuair tú an vacsaín le déanaí má thagann aon cheann de na siomptóim seo ort:

- giorra anála
- pian sa chliabhrach nó sa bholg
- at nó fuacht i gcos
- tinneas cinn atá trom nó ag dul in olcas (go háirithe 3 lá nó níos mó tar éis an vacsaín a fháil)
- radharc doiléir, mearbhall nó taomanna
- fuiliú gan stad faoin ggraiceann nuair nach raibh aon ghortú ann roimhe sin
- roinnt mhaith baill ghorma bheaga, spotaí dearga nó corcra, nó spuaiceanna fola faoi bhun an chraicinn.

Tá líon an-íseal cásanna den siondróm sceite ribeadán feicthe sa chéad cúpla lá tar éis an vacsaín a fháil. Ba cheart duit cabhair leighis a fháil gan a thuilleadh moille agus a lua leis an ngairmí sláinte go bhfuair tú an vacsaín le déanaí má thagann aon cheann de na siomptóim seo ort:

- at tapa na ngéag (lámha agus cosa)
- meáchan a chur suas go tobann

D'fhéadfá mothú lag chomh maith de dheasca brú íseal fola.

I líon an-íseal cásanna, tháinig Siondróm Guillain-Barré ar dhaoine tar éis dóibh an vacsaín seo a fháil.

Faigh cóir leighis ar bhonn práinne:

- má bhíonn amharc dúbailte ort nó má bhíonn sé deacair ort do shúile a bhogadh
- má bhíonn sé deacair ort slogadh, labhairt nó cogaint
- má bhíonn fadhbanna comhordaithe ort, má bhíonn tú míshocair ar do chosa nó má bhíonn sé deacair ort siúl
- má mhothaíonn tú laige i do lámha, do chosa, do chliabhrach nó d'aghaidh
- má mhothaíonn tú griofadach i do lámha nó do chosa
- má bhíonn fadhbanna agat le rialú do lamhnáin nó le feidhmiú do phutóige

Mar is amhlaidh i gcás gach vacsaíne, is féidir leat fo-iarmhairtí amhrasta a thuairisciú don Údarás Rialála Táirgí Sláinte.

Le fo-iarmhairtí aon cheann de na vacsaíní in aghaidh COVID-19 a thuairisciú, téigh chuig www.hpra.ie/report

Céard ba cheart dom a dhéanamh má bhíonn fiabhras nó tinneas agus pianta orm?

Má bhíonn fiabhras nó tinneas agus pianta ort, is féidir leat paraicéiteamól nó iobúpróifein a thógáil le hiad a mhaolú. Mar sin féin, faigh comhairle leighis má mhaireann d'fhiabhras níos mó ná 48 uair an chloig nó má bhíonn imní fós ort.

Tar éis an vacsaínithe

Ba cheart go gcosnódh an vacsaín thú in aghaidh na ndeacrachtaí tromchúiseacha a bhaineann le COVID-19. Ní thosóidh an vacsaín ag obair go ceann 14 lá tar éis duit í a fháil.

Tá seans fós ann go dtolfaidh tú COVID-19 fiú tar éis an vacsaín a fháil.

Ní fios go fóill an féidir le daoine vacsaínithe an víreas a scaipeadh ar dhaoine eile, mar sin ní mór duit leanúint ort ag cloí leis an gcomhairle sláinte poiblí:

- cloí leis na treoirínte maidir le scaradh sóisialta (fan dhá mhéadar amach ó dhaoine eile nuair is féidir)
- cumhdach aghaidhe a chur ort
- do lámha a ní go rialta.

An bhfuil ceist agat?

Mura bhfuil tú cinnte faoi rud ar bith, nó má tá aon cheist agat faoin vacsaín in aghaidh COVID-19, cuir ceist ar an duine atá ag tabhairt na vacsaíne duit inniu.

Téigh chuig www.hse.ie/covid19vaccine le tuilleadh eolais a chur ar an vacsaín in aghaidh COVID-19.

Fo-iarmhairtí

Iarrtar ort aon fho-iarmhairtí a thuairisciú don Údarás Rialála Táirgí Sláinte ag www.hpra.ie/report

Arna fhoilsiú ag FSS an 29 Iúil 2021.
Leagan 5.



Rialtas na hÉireann
Government of Ireland